



Sermon  
Kxf. Dr. Numlaajtsheb Yaaj

**"Kev Ntseeg"**

Tenth Sunday after Pentecost  
Our Savior Lutheran Church  
8-9-2020

Thov txoj koobhmoov txoj kev hlub thiab txojkev haumxeeb pub rau nej sawvdaws los ntawm Vajtswv uas yog peb Leejtxiv uas yog peb tus Cawmseej Tswv Yexus Khetos. Asmees.

**Loos 10:8**, "But what does it say? "The word is near you; it is in your mouth and in your heart," that is, the word of faith we are proclaiming – *Txojkev hais li cas? "Vajtswv txojlus twb nyob ze nej lawm, nyob ntawm nej lub qhovncauj thiab hauv nej lub siab" Lolus ntawd yog txojkev ntseeg uas peb qhia.*" (NIV). Nov yog Vajtswv Txojlus. (Cross-reference – Kevcai 30:14, Efexaus 5:26)

Illustration "Bright Star – Won't Go" (Picture of 1962 Chevy Nova)



Xyoo 1962 General Motors pib ua cov tsheb Chevy Nova. Lub tsheb no muaj ob losyog plaub lub qhovrooj. Lub tsheb no kuj tsis zoo zoo nkauj pestsawg tiamsis nws kuj yog ib lub tsheb uas ua rau tibneeg tsav tau yoojyim. Yov vim li cas GM thiaj li muab lub tsheb no tis npe hu ua "Nova." Lolus Asmesliskas "Nova" txhais haistias, "Bright Star." Lolus no yog lawv qiv ntawm cov txawj saib hnuqub – astronomy los vim lawv txhais haistias, lub hnuqub ci ntsa iab, ci mus li, thiab tsis txawj tuag. Tiamsis lolus "Nova" txhais rau haiv tibneeg Spanish yog txhais haistias, "Not go – *Tsis mus.*"

Yog cov Spanish xav yuav lub tsheb "Nov" nws yuav rov nug nws tus kheej saib nws puas xav yuav lub tsheb haistias, "Not go – *Tsis mus.*" Cov thawjcoj ntawm GM txhawj heev haistias, nyobtsam lawv hom tsheb Chevy Nova yuav muag tsis poob rau lwm lub tebchaws thiab cov tibneeg haislus Spanish nov lolus "Nova – Not go – *Tsis mus*" xwb ces lawv yimhuab khiav deb tsis yuav. Txawm txojkev txhawj li no los tsis muaj li lawv txojkev xav. Qhovtseeb tiag lub tsheb Chevy Nova kuj muag tau zoo nqis, txawm lub npe ua rau lwm haiv tibneeg tsis totaub.

I. Ib lolus nws yeej txawv ntawm ib haiv tibneeg. Nyob ntawm haiv tibneeg ntawd hais thiab siv saib lolus ntawd txhais li cas. (Show same word meaning different)




Peb lolus Hmoob haistias, "cucumber – *dib*" kuj txhais tau obyam. **Ib:** "Dib – yog hais rau ntau yam dib – dibliab, dibpag, dibdawb, dib ntsuab" **Ob:** "Dib – yog txhais haistias, *dibnoog* – calling on bird – losyog dib lwmyam" Tib lolus tiamsis nws txhais tau obyam. Cia kuv rov hais dua ib lolus ntxiv thiab. Lolus "Txiv – fathe" no kuj txhais tau obyam. **Ib:** "Txiv – yog peb txiv uas yug peb" **Ob:** "Txiv – fruit" yog lub txiv uas peb noj "txiv apple, txiv duaj, txiv tsawb, txiv qaub etc." Yog peb tsis ceevfaj, peb yuav hais tau tej lolus yuav ua rau lwmtus tsis totaub. Lolus "Faith – *Kev Ntsee*" yog hais txog koj txojkev ntseeg losyog cov ntseeg txojkev ntseeg. Yog lwmtus txojkev ntseeg rau cov Hinduism, Muslim,

Buddhism, Scientology or Mormornism, peb yuav haistias, "nov yog lwm txojkev ntseeg" Ntawm peb tus kheej, peb haistias, "Kuv loj hlob ntawm txojkev ntseeg, kuv lees kuv txojkev ntseeg, thiab kuv qhia kuv txojkev ntseeg rau lwmtus." Tej lub sijhawm peb yuav tib haistias, "Kuv tsis muaj kev ntseeg txaus, kuv txojkev ntseeg tsis tau loj, thiab kuv tsis tau paub txojkev ntseeg." (Show faith)



Lolus "Faith – *Kev Ntseeg*" yuav muab hais li cas ntawm cov ntseeg thiab cov tsis ntseeg los nws yeej muaj chaw txawb chaw cia tias qhov ntawd yog nws txojkev ntseeg. Ntawd peb cov ntseeg Vajtswv peb totaub tobtshaj no haistias, "For it is by grace you have been saved, through faith – *Los ntawm nws cov koobhmoov, koj raug cawmdim twb yog koj ntseeg*" (Efexaus 2:8). Yog li ntawd tus Thwjtim Paulus tsabntawv rau cov ntseeg nyob rau Loos thiaj li qhia rau peb haistias, kev ntseeg yog dabts? Tus Thwjtim Paulus qhia rau peb txog txojkev ntseeg kom peb totaub txog kev ntseeg yog dabtsi? Nws muaj peb yam.

(Show knowledge – faith come by hearing)



**Ib** – yog koj yuavtsum muaj "knowledge – *paub*" Uantej ibtug twg yuav paub txog txojkev ntseeg, nws yuavtsum paub haistias, txojkev ntseeg ntawd yog kev ntseeg dabtsi tiag. Yog koj hnov txog Yexus lub npe xwb, es koj tsis totaub haistias, Yexus yog leejtwg, ua li cas, koj yuav paub txog haistias, Yexus yog ntiatjeb tus Cawmseej? Yuav ua li cas koj thiaj li paub meej haistias, txojkev ntseeg Vajtswv yog ntseeg Yexus Khetos? Paulus qhia rau peb haistias, "But what does it say? "The word is near you; it is in your mouth and in your heart"

that is, the word of faith we are proclaiming – *Txojkev hais li cas "Vajtswv txojlus twb nyob ze nej lawm, nyob ntawm nej lub qhovncauj thiab hauv nej lub sia"* Lolus ntawd yog txojkev ntseeg uas peb qhia." (Loos 10:8). Peb muaj kev ntseeg vim Vajtswv Txojlus qhia rau peb txog Yexus Khetos. Peb nyeem Vajluskub, peb mloog Nws tej lus qhuabqhia thaum peb tuaj hawm thiab kawm Vajtswv txojlus thiab peb hnov Vajtswv Txojlus los ntawm lwmtus. (Show Romans 10:17)



Qhov no ua rau peb paub txog haistias, Vajtswv yog leejtwg thiab txojkev ntseeg yog ntseeg leejtwg. Paulus thiaj li sau haistias, "Consequently, faith comes from hearing the message, and the message is heard through the word of Christ – *Twb yog li ntawd, lawv hnov txojmoozoo, lawv thiaj li ntseeg, thiab txojlus ntawd yog Yexus Khetos tej lus.*" (Loos 10:17). Thaus Filis qhia Txojmoozoo rau tus tibneeg Ethi-aupias txog Yexus Khetos, tus Ethi-aupias thiaj li ntseeg. (Tes Haujlwm 8:26-40).

II. Lolus haistias, "knowledge – *paub*" no xwb tseem tsis tau txhais tau haistias, koj muaj kev ntseeg. Koj saib, cov Falixais, cov povthawj hlob, cov xibhwb qhia kevcai yeej paub txog Yexus tiamsis lawv tsis ntseeg. (Show not believing in God)



Ibyam li peb cov Hmoob uas tseem koj kevcai dabqhua. Lawv yeej paub txog Yexus Khetos thiab lawv yeej paub txog cov ntseeg txojkev ntseeg, tiamsis lawv tsis ntseeg. Peb cov Hmoob yeej hnov cov ntseeg qhia txog Vajtswv Txojmoozoo, thiab mloog Xivhwb tej lus qhuabqhia txog txojkev cawmdim. Qhov no puas tau haistias, lawv muaj kev ntseeg? NO! Vim cov no tsis tau txais yuav Vajtswv tej lus qhia thiab txais yuav Yexus ua lawv tus Cawmseej. Txawm lawv yuav hnov thiab yuav paub txog Yexus thiab txojkev ntseeg npaum li cas los lawv tsua yog paub xwb lawv tseem tsis tau muaj kev ntseeg.

**Ob** – Kev ntseeg yuavtsum mua j "acceptance – txais yuav" Cov Falixais paub haistias, Yexus yog leejtwg, tiamsis lawv tsis txais yuav thiab tsis txaussiab rau nws. (Show kneeling at the cross)



Peb cov Hmoob los zoo sisthooj li no thiab. Peb cov Hmoob tseem tshuav ntau heev tsis tau txais yuav Yexus los ua lawv tus Cawmseej. Yexus cov thwjtim txais yuav Yexus ua lawv tus Cawmseej. Vim lawv ntseeg Tejlus uas Yexus haistias, "I am the resurrection and the life. The one who believes in me will live, even though they die; "is to do the will of him who sent me and to finish his work. I am the way and the truth and the life – *Kuv yog tus sawv ntawm txojkev tuag. Tsis muaj leejtwg mus cuag tau Leejtxiv, tsua yog mus ntawm kuv mus xwb thiaj tau, kuv los saum ntuj ceebtsheej los ua raws li tus uas txib kuv los ua kom*

*nws tej dejnum tiav. Kuv yog txojkev, thiab yog qhov tseeb thiab yog txojhia.*" (11:25; Yauhas 4:34; 14:6). Koj thiab kuv txais yuav Yexus tejlus, peb thiaj li muaj txojkev ntseeg kev cia siab tias Yexus yog tus Cawmseej rau lub ntiajteb thiab thaum kawg peb yuav tau mus nrog Nws nyob saum ntuj ceebtsheej mus ibtxhis thiab ibtxhis.

Kev ntseeg zoo nkaus li thaum koj mus caij lub "airplane – tsheb davhlau." Koj ntseeg haistias, lub tsheb davhlau yuav coj koj mus txog Minnesota, California, Thaibteb, Nplogeteb thiab lwm lub tebchaws thaum koj nces mus nyob rau hauv lub tsheb davhlau lawm. Yog koj tsis ntseeg tias lub tsheb davhlau yuav coj koj mus txog qhov uas koj yuav mus ntawd, ces koj yeej tsis nces mus nyob hauv ibzaug li. (Show Holy Spirit)



Txojkev ntseeg Yexus zoo sisthooj li no thiab. Txawm koj paub haistias, Yexus yog leejtwg xwb tsis tau txhais tau haistias, koj muaj txojkev ntseeg lawm. Uantej koj yuav muaj tau kev ntseeg Yexus, Vajntsujplig Dawbhuv yog tus coj koj los ntseeg thiab cia siab rau Yexus Khetos tias Yexus yog tus hlub koj thiab los tuag theej tagrho koj tej kev txhaum. Nws coj koj rov los tau txojkev ncaincees, kev dawbhuv rov rau ntawm Vajtswv. Los ntawm Vajtswv txojkev hlub, Vajntsujplig Dawbhuv yog tus txhawb thiab niajnub pab koj kom koj muaj txojkev ntseeg kev cia siab rau ntawm tus Cawmseej Tswv Yexus Khetos.

Kev nsteeg qhov thib **Peb** yog "Trust – Cia siab" Kev ntseeg yog koj muaj txojkev cia siab haistias, koj txojkev ntseeg ntawd yuav pab tau rau koj lub neej thaum koj tseem ua neej nyob losyog lub neej thaum ncaim lub ntiajteb no lawm. (Show trust in Jesus)



Cov ntseeg Vajtswv cia siab muab tagrho nws lub neej tso rau ntawm Vajtswv txhaistes uas yog Vajtswv lub siabhlub. Thaum twg koj muaj kev nyuajsiab losyog ris lub nras hanyav rau koj tej kev txhaum, koj muaj txojkev cia siab tig mus rau tus Vajtswv uas pub tau txojkev zamtxim rau koj tej kev txhaum thiab yuav txhawb koj lub dag lub zog rau koj tej kev nyuajsiab kom koj rov muaj kev kajsia. Yexus thiaj li haistias, "Come to me, all you who are weary and burdened, and I will give you rest – *Nej cov uas sab vim ris nra nyav, nej cia li los cuag kuv, kuv yuav cia nej so.*" (Mathais 11:28). Petus sau haistias, "He

himself bore our sins in his body on the tree, so that we might die to sins and live for righteousness; by his wounds you have been healed – *Nws lub cev ris peb lub txim saum tus ntoo khaublig, kom peb tuag nrog txojkev txhaum thiab ua lub neej rau txojkev ncaincees; los ntawm nws tej qhovtxhab twb kho tau nej tej mob zoo tas lawm.*" (1 Petus 2:24.)

III. Cov kwvtij hlub thiab movtshua, peb muaj "**knowledge – paub**" "**acceptance – txais yuav**" "**Trust- Ciasiab**" – nov yog peb yam uas tseemceeb rau txojkev ntseeg. Nco ntsoov haistias, kev ntseeg tsis yog tes haujlwm uas peb ua tau zoo, tiamsis kev ntseeg yog Vajntsujplig Dawbhuv ua rau peb.  
 (Show Apostles' Creed)



Dr. Martin Luther thiaj li qhia "Cov Thwjt看 Kev Ntseeg Tshooj Peb Kev Dawbhuv - Apostles' Creed – Third Article Sanctification," sau haistias, "I believe that I cannot by my own reason or strength believe in Jesus Christ, my Lord, or come to Him; but the Holy Spirit has called me by the Gospel, enlightened me with His gifts, sanctified and kept me in the true faith. In the same way He calls, gathers, enlightens, and sanctified the whole Christian church on earth, and keeps it with Jesus Christ in the one

true faith. In this Christian church He daily and richly forgives all my sins and the sins of all believers. On the Last Day He will raise me and all the dead, and give eternal life to me and all believers in Christ. This is most certainly true – *Kuv ntseeg haistias kuv lub tswvyim thiab lub zog yeej koj kuv mus ntseeg tsis tau Yexus Khetos, kuv tus Tswv, losyog mus cuag tau Nws; tiamsis Vajntsujplig Dawbhuv tau hu kuv dhau los ntawm Txojmoozoo, qhia kuv txog Nws cov koobhmoov, muab kuv ua dawbhuv thiab tsonkwm kuv rau ntawm txojkev ntseeg tseeb. Ib yaam nkaus li no thiab, Nws hu, sau uake, qhia, thiab ua rau lub tuamtsev hauv ntiajtec no dawbhuv, thiab tsonkwm nws nrog Yexus Khetos rau ntawm tib txojkev ntseeg tseeb. Nyob ntawm pawgntseeg no, Nws niajhnub foom koobhmoov thiab zamtxim rau tagnrho kuv tej kev txhaum thiab cov ntseeg cov kev txhaum. Hnub kawg Nws yuav tsa kuv thiab txhuatus tuag sawv thiab muab txojhia nyob ntev mus tas ibtxhis rau kuv thiab txhuatus uas ntseeg Khetos. Cov lus no yeej muaj tseeb.*" (Apostles' Creed – Third Article Sanctification) (Show 1 Corinthians 12:3)



Paulus thiaj li sau haistias, "No one can say, "Jesus is Lord," except by the Holy Spirit – *Tsis muaj leejtwg haistias, "Yexus yog tus Tswv," tsua yog los ntawm Vajntsujplig Dawbhuv xwb.*" (1 Kauleethaus 12:3).

Kev ntseeg tsis yog lam tau lam ntseeg haistias, muaj tseeb los tsis muaj tseeb. Tsis yog lam tau lam ntseeg haistias, muaj Vajtswv losyog muab tej mlom tej khoom uas tsis muaj sia los ua txojkev ntseeg. Kev ntseeg tseeb yog rau yam uas "True – Tseeb" ntawm Vajtswv.

(Show King of king and Lord of lord)



Kev ntseeg yog kev ciao sia. Paulus thiaj li haistias, "hat if you confess with your mouth, 'Jesus is Lord,' and believe in your heart that God raised him from the dead, you will be saved. – *Yog koj lub qhovncauj lees haistias, "Yexus Khetos yog tus Tswv" thiab koj lub siab ntseeg haistias Vajtswv tsa Yexus sawv hauv qhovtuag rov qab los lawm, koj yuav dim.*" (Loos 10:9). Kev ntseeg yog koj ntseeg tus Vajtswv uas yog tus Tswv ntawm txhuatus tswv, Vajntxwv ntawm txhuatus vajntxwv thiab yog tus kav ibpuas tsavyam tsis hais hauv ntiajtec no losyog saum ntuj ceebtsheej. Koj muaj tau kev ntseeg vim koj muaj "**knowledge – paub**" "**acceptance – txais yuav**" "**Trust- Ciasiab**" rau ntawm Tswv Yexus Khetos. Asmees.

Thov kom Vajtswv txojlus pub rau koj totaub thiab tau txojkev haumxeeb rau ntawm Tswv Yexus Khetos. Asmees.